

16.10.2019

UKA2019/47 & UKA2019/133

Imminut pilersorneq Nunatsinni annertusarniarlugu Naalakkersuisut periusissiamik kingusinnerpaamik UKA2020-mi Inatsisartunut saqqummiunneqartussamik suliaqaqqullugit peqquneqarnissaannik Inatsisartut aalajangiiffigisassaattut siunnersuut. Periusissiaq aamma inatsisitigut aningaasatigullu aporfiit nutartigassat aaqqissuuteqqinnissaannut innersuussutinik imaqassaaq.

(Inatsisartunut Ilaasortaq Mute B. Egede, Inuit Ataqtigiit)

Najukkani nunalerinikkut tunisassianik tuniniaanerup annertusarneqarnissaanut atugassarititaasut pitsaernerpaajunissaat qulakkeerniarlugu Naalakkersuisut iliuusissatut pilersaarusiornissamik peqquneqarnissaannik Inatsisartut aalajangiiffigisassaattut siunnersuut. Siunissami sulinissamat piffissalersuummik iliuusissatut pilersaarut imaqassaaq Inatsisartunullu kingusinnerpaamik UKA2020-mi agguanneqassalluni.

(Inatsisartunut Ilaasortaq Stine Egede, Inuit Ataqtigiit)

Nunatsinni imminut pilersorneq annertusarniarlugu periusissiamik, Inatsisartut aalajangiiffigisassaattut siunnersuut Inatsisartunut ilaasortap Mute B. Egede-mit qaqqinneqartumut, aammalu Najukkani nunalerinikkut tunisassiasanik tuniniaanerup annertusarneqarnissaanut atugassarititaasut pitsaernerpaajunissaat qulakkeerniarlugu, pilersaarusiornissamik Inatsisartut aalajangiiffigisassaattut siunnersuut Inatsisartunut ilaasortamit Stine Egede-mit qaqqinneqartumut Siumumiit siunnersuuteqartut qutsavigaagut imaattunillu oqaaseqarfigissavagut.

Siumumiit pingaartilluinnarparput Nunatsinni imminut pilersornitta annertusarneqartuarnissaa aammalu avataaniik eqquusutatsinnut unammilersinnaasutsimikkut angumannissaasa sulissutigineqartuarnissaat, imminut akilersinnaasutsimikkut pitsaassutsimikkullu taamaaliornikkut avataaniik eqquusutatta killilersimaarneqarnissaat angusinnaaqqullugu.

Nunatta iluani inoqarfiit akornanni Nunatta pissarititaanik niueqatigiinnikkut pitsanngorsaa-juarnissaq aamma Siumumiit pingaartilluinnakkatta ilaagaat, tassami Nunatta kujataani uumasuuteqarnikkut Nunalerinikkut aalisarnikkullu pigisaat Nunatta avannaani pigingisaat aammalu Nunatta avannaani Tunumilu imaani nunamilu uumasut aalisakkallu Nunatta kujataani pigingisaat aaqqissuussilluarnikkut imminnut niueqatigiissinnaanerit pitsaasumik aqqutissinneqartariaqarmat.

Naalakkersuisullu akissuteqaatiminni suliat allartinneqareersimasut oqaatigaat, ukualu aalajangiiffigisassatut siunnersuutit marluk qaqqinneqartut suliaminnut ilanngullugit sulissutiginarmatigit Siumumiit qujarullugit aalajangiiffigisassatut siunnersuutit taperserpagut.

Qujanaq

Henrik Fleischer, Siumut